

Zaram primus in partu Thamar protulit manum, sed eandem retraxit, & Phares prior est egressus, Genes. 38. v. 28. Zaram designat populum Judaicum, Phares verò gentes. Judæi videbantur primi futuri in regno Dei, quibus tamen gentes præferuntur. Osiand. in c. 1. Matth.

Postquam Abraham, id est, Deus Pater genuisset de Sara, id est, Synagoga, Isaac, id est, filium benedictum Christum, accidit quod Sara, id est, Synagoga per infidelitatem est mortua. Quare Deus misit servum suum, id est, Apostolorum cætum ad civitates gentiles, ut puellam nobilem, id est, Ecclesiam de gentilitate natam filio desponsaret.

Eam postea Christus introduxit in tabernaculum matris suæ, id est, Scripturam sacram. Ipsa Ecclesia de camelo, id est, superbia gentilis factus se humiliando descendit. A Christo & Ecclesia multi filii, id est, Christiani generantur, quorum alii sunt Jacob, id est, boni: alii verò Esau, id est, mali. Berthor.

Deus quotidie de lapidibus excitat filios Abrahamæ, hoc est, gentiles ad fidem convertit, contra v. filios Abrahamæ convertit in lapides, quia cor ipsorum induratum. Matth. 3. v. 9.

In hæmorrhousa & filia Jairi proponitur typus

pus